

31348/A

KLOTZ, C. A

~~188~~ 1882



CHRISTIANI ADOLPHI KLOTZII
RIDICVLA LITTERARIA.

Odi profanum vulgus et arceo. *Horat.*



ALTENBURGI
EX OFFICINA RICHTERIA
MDCCCLXII.

CHRISTIANI ADONITI 1800

RIDICULA LITTERARIA

Off. prof. 1800



ALTEMBERG

EX OFFICINA RICHTERIA

CECILIO 1800

PRAEFATIO.

*Q*uod plerique scriptores faciunt, quos libellum aliquem edituros plaudere suo ingenio, in sinu gaudere, atque hunc suum filiolum, non formosissimum saepe, multis fortunae gratiis actis multisque votis pro illius salute susceptis, proferre, nec sine ambitu atque precibus omnibus, qui ubique sunt, commendare videmus, illud a me neque posse neque debere hoc tempore fieri intelligo. Inuitus enim et fere iratus, eodemque animo, quo pater filium, quem nominis gloriaeque studio

abreptum, semper arma et castra in ore
 habentem atque etiam in somno caesos a
 se hostes truncataque capite corpora cer-
 nentem, diu vi, precibus, minis reti-
 nere studuit, cuique frustra vulnerum do-
 lorem, aestus et frigoris molestiam et
 tribunorum saeuientes in tergora mise-
 rorum manus centumque alia horrida
 dictu commemorauit, tandem e suo com-
 plexu dimittit, ego quoque nunc non tam
 emitto hanc impiam prolem, quam ex-
 trudo aedibus, et eiicio. Auolet igitur
 misellus liber: teratur hominum mani-
 bus: notetur: configatur: conscindatur
 etiam ab iis, qui ridere quenquam ne-
 fas existiment: audiat insulsus, infice-
 tus,

tus, pessimus libellus. Neque dolebo sortem miseri, neque defendam eum. Sed ut tu, mi lector, de animo consilioque meo iudicare possis, paullo longius exordium rei demonstrandae repetam. Praedico autem, ante denuncio, moneo, ut quicumque sibi culpa alicuius malaeque erga me voluntatis conscius sit, hic subsistat, librum abiiciat, et quavis alia re, quam lectione huius praefationis tempus fallere malit. Dicentur enim a me quaedam, quae utinam reticere possem! sed sunt ea dicenda, quae non iucundissima fore certis hominibus praeuideo.

Iam primum fatebor, quod quidam audire nolunt, sed quod nunquam ne-

gati multique iam sciunt, me esse auctorem duorum librorum, quorum alter Mores Eruditorum, alter Genius Seculi inscriptus est. Hos si a me nullo alio animo conscriptos esse dixerò, quam bono, candido et amantissimo litterarum, quarum dedecora neque potui ferre, neque silere, et quarum ingenuam et pulchram faciem profanis quorundam moribus maculari dolebam et indignabar: ridebunt quidem maleuoli homines et maligni, amici vero mei omnesque, qui me norunt, nihil verius dici posse fatebuntur. Editò illo libello commouisse me homines quosdam, atque concitasse in me iniquam inuidiam, non sine admiratione

tione animaduerti. Primum quidem,
cum essent, qui illius libelli auctorem cel.
Plattnerum dicerent, hic statim non so-
lum se purgavit de hoc crimine, (nam
sic existimabat) sed paullo etiam durius
de me dixit. Cui neque tum aliquid re-
spondi, neque nunc, licet hoc me iure
quodam meo facere posse putem, aliud
quidquam repono, quam quod Cicero in
Philippica II. dicit: At etiam quodam
loco facetus esse voluisti. Quam id,
dii boni, non decebat! Deinde chartaceus
quidam Iupiter, qui Hamburgi de re
litteraria nouisque libris sententiam
suam dicit, atra dextra miserum libel-
lum iaculatus est, iis, ut tum mihi per-

suadere cupiebant quidam, suggeren-
tibus tela et fulmina, quos nemo igno-
rat. Sed mitto hanc cohortem, cum
Apollini et Musis, tum mihi ignotam,
atque in angulis subtilissimas disputa-
tiones exercere iubeo. Denique etiam
contra me prodiit Somnium, cuius au-
ctorem non aptissimum fuisse ad iocan-
dum, Latinarum elegantiarum omnino
imperitum, et improbum bonorum viro-
rum irrisorem, non opus est, ut pluribus
ostendam, praesertim cum iudicium
meum de inimico mihi homine non satis
habere auctoritatis alicui videri possit.
Sed fuerunt tum multi, qui ita senti-
rent, sibi que perlecto SOMNIO illo in
mentem

mentem venisse narrarent mihi, quod est in prouerbio: abi in cellam tuam et somnia melius. Constitueram quidem punire hominem, qui hoc operam dedisse videbatur, ut maculis meae vitae integritatem adaspergeret, atque propulsare tam atrocem iniuriam. Verum cum audirem, auctorem Somnii esse hominem quendam, tum Lipsiae studiorum caussa commorantem, nunc ludimagistrum nescio in quo angulo, eundemque pauperem et miserum, nolui siue hunc honorem habere terrae filio, siue miselli famae et salutis officere. Videbam enim, mihi multa dicenda esse de turpitudine vitae, de agrestibus moribus, de malis, quas homo

prae se ferebat quasque ipsa parum liberalis facies indicare videbatur, de sanctissimae nostrae religionis doctrina opinionibus. Quare peperci isti. Praeterea fuerunt alii, qui se istis libellis laesos esse crederent atque variis modis testarentur. Quos tamen omnes facile mecum in gratiam redituros esse existimo, si me ipsum, quam alios acutos, si dils placet, verborum meorum interpretes audire malint. Fortasse multis permirum videbitur, quod dicam, sed verissimum tamen est. Saepe audiui homines, me inuito ingeniosos, in libellis meis viros doctos laudatos dicam an vituperatos? inuenisse, de quibus nunquam cogitaueram,

gitaui, quorum alios magni faciebam, alios plane ignorabam. Quos, posteaquam rem exposui, ipsos mirari meminisse, quomodo sibi in mentem venire potuerit, illa sic interpretari. Atque hic etiam occurrendum mihi est quorundam sermonibus, qui mihi Lipsiae ob illos libellos nescio quas molestias adlatas esse nugantur, quasi ego non alias ob causas Ienam atque inprimis ideo, ut virum omni virtutum genere excellentem Io. Ern. Imman. Walchium salutarem, discesserim. Parum profecto hi se cognitos habere ostendunt Lipsiensium mores et elegantiam, qui si dicendi libertatem, si facetias, si lepores et iocos eiiciant moenibus

moenibus suis, vereor, ne omnis urba-
 nitas et elegantia, quae illius urbis
 propria est, sensim euanescat. Sed bene
 habet. Licet licebitque semper in illa
 urbe ea dicendi libertate perfrui, quam
 et humanitas postulat et leges permittunt.
 Lubentissime igitur profiteor, stulte men-
 tiri, quicumque Lipsienses ob illos Mores
 mihi molestiam exhibuisse dicant, atque
 in hanc rem totam Academiam testem
 cito. Quid? quod fuerunt in Vrbe
 illa, quibus libros meos probari fa-
 cile intelligere potui, e quibus virum
 praestantissimum et optimum patronum
 meum, Carol. Ferdin. Hommelium, qui
 vnus est mihi pro centum millibus, ho-
 noris

*noris caussa nomino, cuiusque Litteratu-
 ram Iuris, at quam elegantem Iupiter!
 quam eruditum librum! testor (v. p. 333.)
 Neque Lipsiae solum, sed aliis quoque
 in urbibus, atque, ut libere dicam, in
 aulis principum, qui sibi libertatem
 meam non displicere testarentur, in-
 uenti sunt. Denique sunt in omnium
 manibus, eruditorum hominum, quae
 Berolini editae sunt, epistolae, in qui-
 bus tam honorifice, tam eleganter de
 meis libellis iudicauerunt, ut, utrum
 magis tributis mihi laudibus an ele-
 ganti, qua tribuuntur, ratione dele-
 ctari debeam, ignorem.*

Quam-

*Quamuis igitur nulla causafit, cur
me poenitere debeat libellorum istorum,
atque etsi meam caussam aquis iudi-
cibus et viris doctis facile probauerim,
nolim tamen, eos edidissẽm unquam.
Abalienasse enim a me intelligo me, licet
nulla mea culpa, hominum quorundam
animos, quos, ut semper omnes bonos
mibi beneuolos quam infensos esse malui,
et amicos habere cupio, et longe aliter
de me iudicaturos esse certissime mibi
persuasi, si missis odii amorisque causis
et sine partium studio rem examinare
atque liberales et dignas ingenuo ho-
mine facetias a nigris salibus distin-
guere incipiant. Verum ita se res ha-
bet.*

bet. Multi, alias viri boni, ubi audiunt ex aliis, libellos istos habere Satyras, monstri horrendi speciem sibi fingunt, eosque, licet nondum a se lectos, malos tamen, et Stygio veneno infectos esse queruntur. Quos ut tandem ipsi illas satyras (appellabo, quoniam ita volunt, hoc nomine libellos istos) legant, orarem, nisi vererer, ne plus precibus meis valeret vis semel conceptae animo et inueteratae opinionis. Memini me legere, Peripateticum quendam tubum, quem vocant, Astronomicum ideo noluisse inspicere, ne fateri cogeretur, novas et ignotas Aristoteli, cuius erat iste maxi-

mus cultor, stellas obseruasse Galilaeum a Galilaeis. Vtinam vero res adhuc integra esset! Hercle! clanculum potius irriderem ineptos hominum mores, quos aut imitari aut non nosse et sapientia est et felicitas hoc seculo. Sed tum admodum iuuenis eram: nondum perspexeram satis hominum voluntates: laudis etiam, ut fit, eram cupidior, cuius cupiditatis neque me neque quenquam alium facile pudebit. Quae facta sunt, nequeunt mutari.

Cur igitur, dixerit aliquis, hunc libellum edis? quidni flammis tradis nocituras tibi atque inuisas, ut ais, chartas?

Vellem

Vellem liceret! Quidni? Omnia audies, mi lector. Conscripsi, si quando otium fuit, complures Satyras, quarum multas olim Vulcano dicaui, alias cum amicis communicaui, qui esse aliquid meas nugas putant. Horum fuerunt quidam, qui, quae illis tantummodo mihi que scripseram, pluribus scripta fuisse crederent, certe scripta esse cuperent, measque chartas edere pararent. Cum vero longe aliud sit, cum amicis familiariter confabulari, aliud palam hominum stultitiam irridere, me nullo alio modo meae salutis, tranquillitatis, famaeque meae consulere posse censui, quam si ipse,

B

quae

quae probarem, ederem, atque simul
 profiterer, me, quaecunque posthac, tan-
 quam mea, aliquis sit editurus, agni-
 turum esse nunquam. Constitui enim
 mecum, quod utinam ex alta turri de-
 nuntiare possem, nullas edere posthac un-
 quam Satyras, atque hanc meam pro-
 fessionem sancti iurisiurandi vim ha-
 bere volo iubeoque. Quare non solum
 eum, qui quidquam meo nomine edide-
 rit, inimicum, sed eum quoque, qui
 aliorum Satyras, id quod iam accidit,
 mihi tribuerit, malignum hominem exi-
 stimabo. Huc tamen nolo, mi lector,
 referas ea, quae mihi fortasse contra
 eruditos

eruditos quosdam, atque inprimis BVR-
MANNVN PARVVM, — SE-
CVNDVM volebam scribere, semper
hic erro, scribenda fuerint, quae licet
inuitus edam, edam tamen coactus illo-
rum importunitate. Illud dixi: me
nunquam tales Satyras, quales his tri-
bus libellis continentur, esse editurum.
Praeterea etiam constitui, amicitiam
cum Musis, licet non repente discin-
dere, tamen sensim diffuere, quod
meum consilium, qui et rerum mea-
rum conditionem et huius aetatis ele-
gantiam et humanitatis litterarum fa-
stidium nouerint, non vituperaturos

XX

esse credo. Vale, mi lector, et si tibi delectationem aliquam attulerim, plaude.

Scrips. Ienae, d. XXII. Maii,

a. C. c I 3 I 3 CC LXII.

L

LAVS METAPHYSICES

IN CONSESSV

METAPHYSICORVM RECITANDA.

B 3



Si ego vnquam optaui, vt res, de quibus dicere constituerim, oratione cum copiose explicarem, tum illustrarem magnifice atque laudarem, si precatus sum a diis immortalibus, quos litterarum nostrarum curam gerere aetas maiorum credidit, vt vberitatem orationis, grauitatem et splendorem sententiarum, optimorum et ornatissimorum verborum flumen, et e quo maxime de eloquentia iudicari audiui, canoram vocem et, quas eleganter comploderem, manus satis robustas concederent, si vnquam auditores demisse et flebiliter oraui, vt ignoscerent meae in dicendo infantiae et benigne de me iudicarent, id quod, quoniam mos est hic oratorum, feci; illud ego

nunc, rem omnium praeclarissimam laudaturus, vehementissime opto, precor et ferio oro. Magnum aliquid fuit et arduum, fateor, ciconiam, scabiem, ebrietatem, lutum, scarabaeum, asinum laudare: scopuloso et difficili in loco versatus est *Heinsius*, homo ingeniosissimus, laudes pediculi enarraturus: non nego: idem tamen etiam praeclare intelligo, difficillimum esse, rem venerabilem et prope diuinam, Metaphysicam, ornare, atque hoc negotium non dico oratoris, sed prope hominis vires superare. Quae enim res, si genus spectes et originem, Metaphysice nobilior? quae, si utilitatem consideres, utilior? quae praestantior? quae res plures cultores habuit? quis regum latius regnavit? cuius imperium seuerius fuit atque vna suavius? Quid igitur

tur agam? quo me vertam? cuius numen
 implorem? Tuum profecto, diuina Meta-
 phyfice, quae toties pacem difiecifti et vna-
 nimes fratres in praelia armauifti, quae tot
 hominibus animum intrepidum, fortem et
 cedere nescium infpirauifti, quae homines
 alias non difertiffimos, tuo adflatu loqua-
 ces, verbofos et garrulos reddidifti. Tu
 mihi animum addes: tu verba, quibus lau-
 des tuas commemorem, fuggeres, fi me-
 moria forte defecerit: tu denique, fi quis
 contradicat mihi aut de re veriffima dubi-
 tet, me, timidiusculum hominem, excita-
 bis, atque fi mihi, quibus aduerfarios con-
 fectet, conuicia defint, aut, fi mauis, fa-
 cetiae et lepores, quibus filii tui abundant,
 me ea docebis. Bene habet. Annuere vi-
 detur blandis oculis dea. Audafter igitur,

non magis voluntate, quam spe rem eximiam perficiendi ductus, maximum negotium suscipiam. Vos nunc, Auditores, arripite sapientissimas aures, et, si me omnium difficillimam eandemque nobilissimam rem bene egisse intellexeritis, Delphica laurum capillos meos redimite.

Primum saepius in rhetorum scholis audiui, initia orationum a genere capeffenda, illudque tanquam antiquissimum, splendidissimum et nobilissimum laudandum esse. Inde saepe ad fabulas confugiunt, veris falsa miscent, et, quod rei deest, verborum copia et ornamentis sarcire conantur. Me vero beatum et felicem, qui originem et genus Metaphysices neque attenuare possim verborum humilitate, neque orationis splendore augere debeam. Simplici
et

et tenui dicendi genere utar. Non ignoratis potentissimam omnium deam esse Eridem, eamque non solum multa imperia euertisse, sed etiam in litteraria republica maximas saepe turbas excitasse. Quo enim alio numine accidisse dicamus, ut non raro decolores atramento et spumantes fluuii discerptos calamos, discissas chartas, et grandes librorum libellorumque moles in oceanum voluant? Tenet tenebitque semper haec dea imperium in orbe litterario, et suo arbitrio vel componet vel excitabit tumultus. Sed quid attinet plura de dea dicere, quam Vos omnes, Viri fortissimi, nostis, cuius vim et numen experti estis, quam etiam iure veneramini. Hanc igitur Eridem aiunt, perfecto illo fatali pomo, etiam atque etiam secum deliberasse, quid tandem

tandem procrearet, quod fui simillimum, aeternum et iucundum foret. Tres dies noctesque illam sese syluis abdidisse et consilia de re maximi momenti agitasse addunt. Secundo die terribilem cometen coelo arsisse, eumque magnarum rerum praenuncium omnibus fuisse visum. Eadem etiam nocte Eridem in syluam Plutonem, Martem, Mercurium et Harpyias vocasse ibique deorum habuisse consilium. Tertio demum die prodiisse aliquid, quod Metaphysicen appellassent, et cui quisque deorum summas virtutes addidisset. Audiuiſtis Metaphysicen genus suum a deis ducere? audiuiſtis non vnum, sed plures deos in ea re componenda elaborasse, quae omnium seculorum admiratione digna foret? Nolite (video enim aliquos frontem corrugare,) sed nolite

nolite de rei veritate dubitare. Nisi verum hoc esset, hercle! ego non dixissem.

Atque etiam non humani ingenii opus Metaphysicen esse, ex infinito eorum, quos cultores suae maiestatis habet, numero intelligi potest. Percurrite animo omnes omnium ordinum homines doctos, et neminem, praeter paucos, qui tamen iure contemnendi atque nullo habendi sunt numero, illius imperium detrectare videbitis. Ecce Theologi, qui, cum Graecarum et Latinarum litterarum, antiquitatis et critices studium nimis molestum sit, bene et sapienter Metaphysices auxilio instructi ad interpretandos sacros libros accedant. Non enim eos audiendos esse puto, qui hac via Theologiam scholasticam iterum e tenebris, in quibus prohi dolor! nimis diu latuit, in
lucem

lucem proferri dicant. Ipsa etiam paucitas eorum, qui his Grammaticis obtemperarent eosque sequantur, satis ostendit, falsissima esse, quae doceant, atque istos frustra Theologiam a Metaphysice nostra coniungere conari. Ecce Iurisconsulti, qui, licet nemo facile aliquid in receptis ubique omnibusque probatis rebus mutandum esse censeat, licet maxima iuris pars non necessariis rationibus nitatur, sed ex variis casibus orta sit, licet Iurisprudentia ipsa reluctari videatur et repugnare, hanc tamen sapientiores Iustiniano et Triboniano homines ad subtilitatem Philosophicam traduxerunt. Quam acute schola Ramistica singulas iuris materias ad quatuor causarum genera retulit! Magnum enim aliquid erat, causas *finales*, *formales*, *efficientes*, *materia-*

les Pandectis inferre. Nostis eos, qui mathematica ratione singulorum titulorum argumenta tradere coeperunt. Belle vero et acute! Quantae enim artis est, re, quae paucis verbis commemorari poterat, totam plagulam implere! quanti ingenii, enecare lectores perpetua et molesta cantilena! et quam magnifica sunt ubique adscripta maiusculis litteris haec verba: *Corollarium, Problema, Theorema, Scholion, Postulatum*. Vnde vero haec doctissimis viris in mentem venissent, nisi iuvenes studio Metaphysices fuissent dediti, cuius amorem neque senes animo dimittere potuerunt? Venio ad poetas et oratores, quos, etsi multi neque fidelissimos neque constantissimos existiment, Metaphysicae tamen lubenter obtemperare animaduertimus. Hinc in carminibus et

oratio-

orationibus suis verba, quae huius deae propria sunt, ponunt: hinc scripta sua ad illius praecepta componunt et exigunt. Et quis reprehendat aut vituperet? Nihil stultius audiui aut legi vnquam voce illa inepta *Erasmi*, qui cum per contemptum poeta a quibusdam vocaretur, se longe ab ista laude abesse, respondit: pluris enim vnum tolerabilem poetam quam vel decem philosophastros esse. O indignum facinus! Vbi tibi mens fuit, improbe *Erasme*, cum hoc diceres? Et tibi statuum Batauos posuisse? sed reprimam me. Sentio enim, me in hominum modestissimorum conuentu dicere.

Satis mihi videor de potestate et imperio Metaphysices dixisse. Transeo ad vtilitatem. Atque hic quidem centum ora et centum linguas mihi opto. Tanta se mihi
laudum

laudum copia, tanta praeclarissimarum rerum seges offert. Sed cum infinitum foret, omnia enumerare, praecipua tantummodo delibabo. Primum igitur mihi persuasi, nihil esse vtilius, quam quod somnolentiam hominibus excutiat, eosque minime desides esse patiatur, quod viris fortibus occasionem praebeat, virtutem animi palam ostendendi, quod nos semper vigiles, strenuos et fortes esse iubeat. Iam Metaphysice non minores heroas, quam bellum atrocissimum, praestat. Nam si fortasse quidam a se inuicem dissentiunt, suumque dissensum profitentur, quid tum fieri videmus? Tum vero exardent irae, tuba signum datur, concurritur, neuter loco recedit. Non mensis sufficeret ad omnes pugnas, in amplissimo Metaphysices regno pugnatas,

commemorandas. Singuli anni memorabili aliquo praelio insignes sunt. Atque tum videre licet, quam forti animo dea milites suos instruat et in summum discrimen adducat. Nullus fugam meditatur: nullus, nisi mortuus, pedem referre cogitat: nullus conuiciis iaciendis abstinet. Haec enim sunt illa tela, quibus dea filios suos armat: haec illa arma, quibus et aduersariis lethalia vulnera infligunt et se defendunt. Hac etiam de causa ego semper Metaphysicem praeclarissimam eloquentiae magistram existimaui. Est admirabilis quaedam in omnibus, qui illius praeceptis morem gerant, eloquentia: est, quoties impetum in aduersarios faciant, singulare verborum flumen et maximus nitor orationis. Verum cum maxima eloquentiae pars et gloria in inuentione
ponatur,

penatur, ad illam Metaphysice suos quasi manu ducit, omnibusque rhetoribus et Grammaticis longe antecellit. Quis ignorat, quotidie a vobis, Viri elegantissimi, noua verba excogitari atque Latinam linguam usque ad inuidiam collupletari? Quae tandem et qualia sunt illa verba? grandia, sonora, poetica prope libertate audacia. Certe maiestatem quandam prae se ferunt et sacrum quendam auditoribus horrorem iniiciunt. Delectant, delectant eruditae aures suauissimae voces: *haecceitas, quidditas, essentialitas, futuribilia, identitas, magnitudo quantitativa, extra se inuicem actualia, receptiuitas, modificatio*. Quid pulchrius his? *perfectio transcendentalis, inseparabilitas determinationum, compossibilia, reactio, compartes, seu complementum ad Totum*. Plura

atque e vestris libris repetita afferam? non faciam. Vereor enim, ne vestrae verecundiae, qua vsque ad sidera noti estis, molestiam afferam. Apparebit vero ex his, non meliorem esse ad eloquentiam, non effeminatam, exsanguem et humilem, sed virilem, grauem et magnificam, viam, quam quae pulcherrimis Metaphysices manibus sternatur. Cum igitur eloquentia omnium rerum regina audiat, quis de vtilitate Metaphysices dubitabit? Denique mihi credite, ex nullis metallis tantum auri et argenti reddit, quantum e cultu Metaphysices, qui quo magis viget, eo minus vnquam hominibus pecunia deerit. Copiosius hanc sententiam explicandam esse video. Nullo alio modo constat nomen nostrum immortalitati tradi posse tutius, quam typographorum

rum

rum laboriosis manibus. Hi immutabili
fati lege famae nostrae praecones constituti
sunt: hi in bellis litterariis easdem partes
agunt, quas in praeliis tubicines, et qui ma-
chinas bellicas in hostes dirigunt. Aequum
igitur est, hos non aliter, quam milites, sti-
pendia accipere, et praemia laboris ferre.
Horum denique opera pecunia ubique diffi-
patur et diffunditur per rempublicam. Ali-
tur primum, qui chartas conficit, alitur,
qui glutinum excoquit, alitur, qui atramen-
tum vendit, alitur auriga, qui materiam
hanc immortalis monimenti aduehit. Nam
et aurigae partem immortalitatis nominis
nostri debemus. Iam quotidie videmus,
nullum hominum genus tot bella gerere tan-
toque ardore, quam Metaphysicos: non pluri-
bus scriptis praela fudant, quam Metaphysicis.

Cum pro admirabili magnitudine et constantia animorum Vestrorum nullum dissensum ferre possitis, statim accendimini ira, et calida manu saeuum calamum arripitis. Tum nullus finis scriptorum, dissertationum, observationum, libellorum. Saepius vix currus iis scriptis deportandis sufficit, quae vna tantummodo res, quae imperiis plerumque leuicula videtur, vobis extorsit. Hac ratione locupletatis vrbes, alimenta praebetis tot hominibus, tot viduas alitis, infantes, ciues et rusticos. O praeclaram Metaphysices laudem! tu fortissima bellatrix, tu elegantissima eloquentiae magistra, tu tot hominum liberalissima nutrix. Sine te homines frigent, imbelles iacent, balbutiunt, obmutescunt, esuriunt.

Sed occurrendum est profecto fatietati Vestrae, Viri subtilissimi, etsi Vos me attente audire videam. Dicenda enim sunt pauca de iucunditate Metaphysices, quae quamuis sentiatur magis quam explicari possit, obscura tamen aut dubia minime esse potest. Iam Metaphysicen hac potissimum de causa plurimum iucunditatis cultoribus suis adferre existimo, quoniam paruo temporis spatio et facili negotio addiscitur. Iuvenes certe, posteaquam vnum annum in Academia commorati sunt, sermonem magistri chartis fideliter consignauerunt, memoriaeque quasi clauo trabali infixerunt, nonne sibi aliisque egregii videntur et Philosophi et Metaphysici? Si vero iidem duo tresue annos in hoc studio consumserunt, quam docti et acuti et subtiles sunt! quanto

ardore magistri doctrinam propugnant!
 quanta fiducia disputant! quam magnifice
 alios contemnunt! Nonne iucundum est,
 rem pulcherrimam tam facile consequi?
 nonne suauissimum, eam momento tempo-
 ris addiscere? Deinde etiam ideo magnam
 iucunditatem Metaphysices studio inesse
 iudico, quoniam quam maxime iuuenum
 animos allicit nobisque quasi emancipat.
 Suum nomen deponunt, Vestro se exor-
 nant idque vsque ad mortem retinent.
 Nemo vestrum erit, Viri celeberrimi, qui
 non multos habeat discipulos, qui nomini
 Vestro dulcissimam syllabam *anus* addiderit
 seque voluerit appellari talem. Dic tu,
 optime Maeui, nonne tu intimis sensibus
 afficeris, quoties audis, Maeuianos esse? et
 tibi, acutissime Bauī, quam iucundum est,

si se Bauianum aliquis profitetur. Mihi quidem Metaphysici duces fortissimi videntur, qui magnis copiis praesunt, aciem instruunt, militem excitant, et per tela, per enses, per gladios irrumpere et medio ex igne nunquam interituram gloriam reportare iubent. Miseret, miseret me vestrum, omnium reliquarum artium doctores, oratores et poetae, qui famelico ore atrum panem ex iure hesterno deuoratis, qui ignoti viuatis, ignoti moriamini. Quousque tandem artibus vobis nil profuturis operam dabitis? quousque vos bonas horas eorum librorum lectione perdetis, qui a profanis et indoctis hominibus scripti sunt? Quam enim Cicero Metaphysicen tenuit? ille, qui subtilissimam illam de *finibus* disputationem omnino ignorauit; et vos Metaphysicae

male dicitis? O vos scelestos! vos parricidas! Viget vigebitque diuina Metaphysice, neque deerunt vnquam homines, qui eam colant, ea se oblectent, ei thura accendant, aras ponant, coronas suspendant.

Exegi monimentum aere perennius.

II.

D I A L O G V S .

.



Palaemon, Sosias, Dauid.

*P*alaem. Proh Deum atque hominum fidem! o benignam mihi fortunam! o beatissimum me omnium hominum, qui sunt, qui fuerunt, qui erunt! Ex omnibus diebus, quos in vita suaues et iucundos vidi, hunc longe iucundissimum iudico. O dii superi atque inferi, quas vobis gratias agam? vos mihi tantam laetitiam attulistis. Nihil vos ardentius oro, quam ut hanc laetitiam perpetuam esse iubeatis.

Sos. Quid istuc rei est? Satisne sanus hic homo? Filium, credo, ei hodie vxor peperit.

perit. Sed alloquar illum. Salve, vir doctissime.

Pal. O diem festum et sanctiorem mihi natali meo! Illi vitam tantum debeo, huic immortalitatem. Quid enim dicam? Legent profecto non sine summa admiratione posterì: *primus hoc inuenit vir summus, Palaemon.* Quas vero tum laudes addent? Laudabunt ingenii mei acumen, vastas celebrabunt eruditionis copias: elegantiam atque subtilitatem libri mei laudibus ad coelum tollent. Nunc ita me deus amet! aequo animo moriar. Perennius aere mihi monumentum posui. Quid morer in his terris amplius? O Iupiter, o Minerva, tuque omnium diuitiarum custos, Mercuri, vobis immortales gratias ago: vobis tantum thesaurum acceptum refero.

Sof.

Sof. Infanit aut fomniat homo. Salve, inquam, vir docte.

Pal. Quis me vult? Hem! *vir docte?* non audio. non maioris me hunc homuncionem facere? nullum a me responsum feret.

Sof. Salve igitur vir excellentissime et illustris.

Pal. Hui! iam dulcius canit. *Vir excellentissime?* non satis dignitatis huic verbo inest. Egone me excellentissimum tantum appellari patiar? eo nomine contentus sim, quod quivis ludimagister a discipulis quotidie audit?

Sof. Salve tertium, vir divine, eruditorum Phoenix, in coelo litterario primae magnitudinis splendidissimum sidus, aquila inter eruditos, leo et chamaeleon.

Pal.

Pal. Sapit hercle! hic homo. Tu quoque falve. Ideo huc venis, vt me venereris? Promereor etiam, si quis alius, omnium doctorum hominum cultum.

Sof. Quare etiam hunc tibi lubenter habemus, eundemque tibi habebit omnis posteritas.

Pal. Iocaris. raro posteritas grata est. Vt vt est, eorum, qui hac aetate eruditio- nis et ingenii fama conspici sint, me principem esse dico. Plura dicerem, neque mentirer profecto. Sed nosti meam in dicendo moderationem modestiamque. Nihil mihi arrogo, cuius plura tribuo. Apud posteros iudicium esto.

Sof. Omnia recte dixisti. Saepe nimiam tuam modestiam miratus sum. Ex vultu

vero

vero tuo coniicio nescio quam fortunam tibi hodie obtigisse.

Pal. E vultu meo? Quid negem? plurimum semper doctrinae atque suauitatis meae ad salutem et voluptatem aliorum imperio. Dico igitur diis meam eruditionem cordi esse, eosque omnibus modis inferuire meis commodis.

Sof. Non miror. *Faunus Mercurialium custos virorum.*

Pal. Bene memini. Ex Horatio hic versus est petitus. Scito enim, etiam nos in tutela Mercurii esse.

Sof. Nollem idem cum furibus numen haberetis, sed perge.

Pal. Vocatur vero quasi Medicurrius, siue medius currens inter homines, de cuius nominis origine proxime doctissimum libellum edam. Matrem habet Mercurius Maiam, vnde etiam Maiugena dicitur. O pulchrum verbum! nonne maiestas est magna verbi: Maiugena. Ite nunc, o stultissima capita! et prae vernaculo sermone Romanum contemnite! Vocatur etiam Mercurius Cyl-
lenius. Scin' causam?

Sof. Non vacat nunc multa de Mercurio audire. Properare dum mihi hinc est ad forum. Fortunam tuam commemorare volebas.

Pal. Recte mones. Verum ita est. Erumpere semper multo studio collecta eruditio gestit, quam tu tantam in me esse tibi persuadebis,

suadebis, ut prope nequeat pectore contineri. Deos igitur dico in me exemplum clementiae suae edidisse.

Sof. O factum bene!

Pal. Quod per tot secula tenebris sepulcrum iacuit, a me primo nunc in lucem producit. Peruenit in manus meas, di vobis sit gratia! thesaurus, quem neque Crassus diuitiis permutare velim.

Sof. Profecto tu is es, quem dei diligunt.

Pal. Parabo mihi immortalem gloriam et nunquam intermorituram famam hoc mysterio euulgato. Meum sensum libere exponam? Inaurata me statua dignum iudico.

Sof. Non hercle! intelligo. Aperte volo, quae restant, te loqui.

Pal. Accede igitur. Ostendam tibi rem, quam nunquam tuis oculis vidisti, neque videbis vnquam. Ad meum sensum et ad illud sincerum et subtile iudicium, quod omnes in me admirantur, nullam adspicies, quoad vixeris, aut pulchriorem rem aut augustiorem.

Sof. Probe narras.

Pal. Euoluam statim thesaurum meum lioteis, quibus eum summa cum diligentia inuolui, integumentis. Ecce tibi — o veneranda antiquitas! ecce — o te dementem! bene operto capite adstare? O impudentiam insignem!

Sof. Ignosce mihi sacro quodam horrore perfuso. Iam detraxi pileum capite.

Pal.

Pal. Vides hanc testam? cuius vasis fragmentum esse censes?

Sof. Ollae beatæ auiaë tuæ.

Pal. Ha! ha! ha! miseret me tui, vir bone. Neque enim tua hæc culpa est, quod rem omnium pulcherrimam non agnoscis. Nobis quidem natura oculos dedit ab aliorum oculis longe diuersos. Inde nos mysteria, historias, elegantias conspiciamus, ubi alios se nihil admodum videre iurant. Per multos vos miseri lapides ambulatis auro pretiosiores. nec mirum. Humanis videtis oculis, nos lynceis præditi sumus. Hæc testis est fragmentum vasis figlini, Romæ antiquissimis temporibus facti. Vide pulchrum colorem! vide læuitatem! nostro tempore quis audeat tale vas proferre? Ro-

mae, Romae a peritissimo artifice illud effectum fuit. Videsne litteras CI . . . ? Quid aliud his indicatur, quam Ciceronem fuisse vasis possessorem? Nonne rem acu tetigi? quid censes?

Sof. Nescio, vir summe, prae admiratione, quis sim aut vbi sim. Nihil enim vnquam acutius sapientiusque audiui.

Pal. Tum vero demum sapientiam meam miraberis, si prodierint libri, quos de hac testa proxime scribam.

Sof. Mira narras. librum scribes?

Pal. Immo vero libros. Digna enim haec est res, quae copiosissime explicetur et illustretur. Quare etiam constitui decem volumina edere.

Sof.

Sof. Quomodo vero tu disputatiuncula de tantilla testa tot volumina implebis? Vix videris, quod promittis, praestaturus. Si de fragmento vasis te tot volumina scripturum esse speras, quot tandem, si vas integrum esset, acciperemus.

Pal. Ignoras, mi homo, ingenia nostra et diuinam, qua valemus, eloquentiam. Alii de re magna pauca, nos de parua plurima verba facimus. Et quid dubitas? narrabo vero, quae sit ratio ordinis et disponendarum rerum futura. In *primo* igitur volumine de vasis exponam. Dicam de vasis Samiis, Corinthiis, Deliacis, murreis et murrinis. In *altero* explicabitur difficillima quaestio: e qua materia hoc vas conflatum sit? Multis vero argumentis docebo, refe-

rendum hoc vas esse ad illa, quae murrea veteres dixerunt. In *tertio* de artifice disputabo, qui hoc vas effinxerit, quem, quoniam ignoro, multa proferam eaque minime contemnenda de figulis, de figlina, creta, de fornacibus, de rota, omnia ex antiquissimis temporibus repetita. Hoc volumen multis imaginibus exornabitur. In *quarto* in possessorem huius vasis inquiram, quem cum M. Tullium Ciceronem fuisse ex literis inscriptis clarissime appareat (bardus enim sit, stipes, caudex, asinus, qui hoc non fateatur) vitam Ciceronis commemorabo. *Quintum* volumen praeclarissimum erit. Nam quaecunque de variis vasorum domesticorum generibus veteres atque recentiores memoriae prodiderint, illud continebit. Inde in *sexto* ostendam, hanc testam

Nam esse matulae Ciceronis fragmentum.
 Quid vero tum in *septimo* aliud agam, quam
 ut Ciceronem quoque matula uti debuisse
 doceam? Neque nunc omnia perfecta sunt.
 Multos enim credo scire percupere, quo
 fato testa haec in Germaniam translata sit?
 Quorum desiderio ut satisfaciam, in *octavo*
 volumine de Germania antiqua et in *nono*
 de bellis Romanorum cum Germanis expo-
 nam. Suspicio enim hanc matulam eo tem-
 pore, quo illa bella gesta sunt, in has terras
 translata fuisse. Hoc *decimi* argumentum
 erit. Adhuc me inanilogum putas? Stre-
 pitu vigere orationem nostram, flaccere re-
 bus credebas. Sed faciam nunc, ut tuis
 oculis videas, abundare me doctrina et qua-
 dam incredibili varietate rerum copiaque.

Sof. Miror, miror ingenium tuum, plenum optimis artibus et quod solum par esse iudico antiquo Romano imperio. Omnes, qui ubique sunt, viri docti si perirent, tu solus, quasi Atlas coelum, supercilio tuo litteras sustineres.

Pal. Nunquam, o chare, me ipsum laudare soleo. Vera dicis. Ego profecto solus — sed quid multa? clarum meum nomen est, toto orbe celeberrimum atque notissimum.

Sof. Exosculor, vir summe, amabilem tuam modestiam. Hoc tamen, nisi graue sit, exponas mihi velim, quibus e fontibus tu tantam eruditionem haurias, quibusque opibus instructus tu decem conscribas volumina.

Pal. Videsne illuc multa ista auratis frontibus volumina? Thesauri vocantur et sunt
etiam

etiam vere nobis. Ibi vero libros conspici-
cis, paullo minores illis? Hi sunt copio-
sissimi rerum et verborum indices. Hinc
nos — verum tu nondum initiatus es his
mysteriis. Quare tibi sacra nostra enun-
ciare nefas existimo.

Sof. At ipsam testam velim curiosius aspi-
cere. Cedo, fodes.

Pal. Tunc profanis manibus veneranda
antiquitatis monimenta tractare cupis? Au-
daculus hercle! es. Habebis tamen testam.
Ecquid tibi videtur? nonne summa est laeui-
tas vasis? vix speculum nitidius esse puto.

Sof. Credo, si tergas testam paullulum
linteo, nitidiorem etiam illam fore. Fa-
ciam periculum. — O me miserum! —
Vae mihi, si maneam —

Pal.

Pal. O testam meam! o hominem omnibus diis iratis natum! cur vero ego profano homini testam tradidi? Praesensit iam animus atque auguravit tantum malum. Hoc mihi profecto bubonem heri infelici cantu praedicere memini. O pessimum Sosiam! Omnes te dii deaeque perdunt! Hic iacet testa mea: hic iacet decem voluminum argumentum: iacet immortalitas mei nominis. Ah! malignam fortunam, quae nunquam felicitatem nostram perpetuam esse finis. Caput scandalio comminuam turpissimo hominum, ubicunque illum inuenerim. O me infelicem! o testam meam! o pulcherrimum olim vasculum!

Dau. Quid clamas, here? cur lacrimaris? quid quereris?

Pal.

Pal. O si affuisses, Daue! Abiit, excessit, euasit, erupit. Di illum infelicient omnes! Heu!

Dau. Obsecro te, here, quid est, quod tantopere clames? Furesne fortasse adfuerunt? numos tibi abstulerunt? Dic tandem, ut consilii aliquid capiamus ex re atque ex tempore.

Pal. Vides hic testae manibus scelestis elapsae particulas?

Dau. Video. sed unde gemitus hi et mihi eiulatus?

Pal. Testam comminutam adspice. non possum prae dolore plura.

Dau. Non hercle! hero meo fanum incipit est. Cur plores et clames, scire cupio.

Pal.

Pal. Vt omnia caduca et fragilia sunt!
O testam meam! o praestantissimum opus
meum!

Dau. Nescio, quae hominem intempe-
riae agant. Nisi ocyus rem narres, abeo.

Pal. Mane, Daue. Nostin' Sosiam? malo
astro natus est.

Dau. Noui. quid tum?

Pal. Me testam hanc — misere periî.
nullus sum.

Dau. Ad insaniam me rediges, nisi omnia
clare commemoras.

Pal. Sosias testam hanc improbis mani-
bus elabi passus est. Dii immortales!

Dau. Insanit pol et furit. Quis vero de
testa hac tantas tragoedias excitet?

Pal.

Pal. Dixi. ego sum miser et misere perditus. Haec testa antiqui Romani vasis fragmentum fuit.

Dau. In vltimam rabiem furoremque conuersus est. an oculis captus es? Hanc testam Romanam esse? Nihil vnquam tu aliud, quam Romam tuam, in animo habes.

Pal. Tu vero oculos perdidisti.

Dau. Serio hanc testam Romanam putas, an ludis me?

Pal. O quanta te caligo mentis, quanta veritatis ignorantia exercet! Tune negas, hoc vas Ciceronis fuisse?

Dau. Audi, quaeso. Vidistine figlina vasa, quae ante fenestras meas constituta flores habent? Horum vnum nuper vehemē-
tiori vento deturbatum et confRACTum fuit.

Pal.

Pal. Frustra mentiris, Daue. Hisce oculis litteras CI inscriptas vidi.

Daue. Afferam vero tibi reliquas particulas. Iacent fortasse adhuc in via. Tunc intelliges, nihil aliud his litteris indicari, quam annum, quo vas effictum fuit. Hae vero CI sunt reliquorum numerorum initium.

Pal. Surdo fabulam narras. Abdam me cubiculo meo et moriar.

III.

F A B V L A .



Animalia, quemadmodum homines, olim ratione vſa fuiſſe aiunt. Quid dubitemus, cum etiam homines ſaepe ſic viuant, vt eos nulla ratione praeditos eſſe exiſtimare debeas? Leo igitur eo tempore prudentiſſimum conſilium cepit explorandi, quae ſubiectorum ſuo imperio animalium ad litteras tradendas apta eſſent. Vna igitur cum ſimio, quem in conſilium adhibet, antro exit, varia beſtiarum genera perluftraturus. Hic primum illis obuius fit Chamaeleon, atque leonis in ſe oculos conuertit. Videt ungues aduncos leo, corpus aſperum, caudam ſe viperinis orbibus implicantem: hianti ſemper ore celſum. E ſimio etiam intelligit, illum nec cibo, nec potu ali: ſolius

aeris alimento vitam ducere: circa caprificos ferum esse, alioquin innoxium: colorem corporis subinde mutare. Leo his auditis mirari secum, cogitare, dextrum pedem naso applicare, tanquam philosophus de nexu animi cum corpore meditabundus. Mox Chamaeleonta ephemeridum litterarum scriptorem esse iubet. Vix hic discessit, ecce! indomitus et saeuus aper magno cum strepitu syluis erumpit. Oculi igne ardent: cutis est callosa: dentes attriti cum fonitu spumas emittunt: obesus praeterea est, fetis hispidus, squallidus, ore saeuo fremere et fulminare videtur. Si leo *Petrum Burmannum Secundum* vidisset; hic germanus, dixisset, Petrulli frater est. Sed nulla mora interposita aprum Criticum constituit. Paullulum procedens videt, vrsum

cum

cum vulpe familiariter colloqui et de re magna deliberare. Molitur, inquit leo, procul dubio vrsus mali aliquid, et a vulpe, quomodo res agenda sit, cupit edoceri. Quid faciendum? Hos Iurisperitos esse iubebimus. Altera astuta est et solers: alter robustus et sapidus. His auditis artificissimam amicitiam contrahunt, et paucis horis post maxima omnium rerum confusio et perturbatio consecuta est †. Leo vero vehementer laetari, sibi pulchre consilium suum procedere, et finio, nonne etiam

E 3 Philo-

† Ludou. Viues in L. IV. de caus. corrupt. art. narrat, venisse in Pannoniam Ictos aliquot atque suae doctrinae copiam fecisse hominibus. Breui tempore omnia fervere litibus, controuersiis, petitionibus, exceptionibus, compendinationibus, procrastinationibus. Vnde regem statim eos finibus regni excedere iussisse.

Philosophi nobis quaerendi sunt? dicere. Nihil, respondet, sapientius in mentem tibi venire potuit. Ecce tibi duo taxos. non male, credo, his illa prouincia mandabitur. Intuetur leo taxum † audissimum mellis animal, asperum, mordax, in cauernarum tenebris habitans, neque diu cunctatus: tu Philosophus esto, inquit. Sed vix pronuntiatis his verbis disputare hic (nam aderant forte duo) vehementer coeperunt, vtrum cauda leonis ad *substantiam* an ad *essentiam* pertineret. Hinc repentina ira accensi, mox tam faeuis se inuicem morfibz laeferunt, vt sanguis terra flueret. Deinde vterque, quasi re magna et praeclara gesta, in cauernam abire. Hoc dum spectaculo leo delectatur, lento gradu aduenit hyaena.

† alio nomine *mellis* dicitur.

hyaena †. Quale hoc animal est? quaerit. Mirificum profecto, sapientissime leo, inquit simius. Videsne, quomodo collum et iuba spinae continuitate porrigatur, neque se, nisi toto corpore circumacto, flectere possit? Vides, quot oculis sint varietates colorumque mutationes? Praeterea sine mare parit, sermonem humanum inter pastorum stabula imitatur, nomenque alicuius addiscit, quem foras euocet et laceret: ad sollicitandos canes vomitionem hominis assimulat, quos deinde inuadat. Umbræ eius contactu canes obmutescunt, omne vero animal, quod ter lustrauit, in vestigio hæret. Tum leo: placet mihi indoles et natura animalis. Credo, bene illud poetæ partes acturum esse. Non multo post acce-

† v. Plin. H. N. 8. 30.

dit sublimis hiatu magno pardus et varietate macularum pictoque corpore superbus. Nullus, inquit leo, hic dubitationi locus. Hic orator erit. Fama huius rei vbicunque dissipata, aduenit etiam lupus, magnumque prae se fert animi candorem, miram modestiam —

Caetera desunt.

IV.

DESCRIPTIO PHILOSOPHI,

QVI TOTAM VITAM

IGNOTVS ET PAVPER EGIT

ATQVE FAME TANDEM PERIIT.

Modestinus (hoc enim nomen erat Philosopho, cuius similem fortasse nulla aetas habebit) ab ineunte aetate optimis artibus operam dedit. Historiam, eloquentiam, omniaque, quae ad humanitatis studia pertinent, percepit diligenter: oratores et poetas cum veteres, tum recentiores, legi cum sensu veri et venusti. Hac lectione et acuit ingenium et poluit iudicium, atque etiam illud consecutus fuit, ut eleganter scriberet atque loqueretur. Mores hominum sedulo attendit, actiones illorum consideravit, causas perscrutatus est, atque hinc sibi comparavit rerum usum. Ita animo bene subacta et pectore multarum rerum scientia impleto, contulit se ad Philosophiam, eamque

eamque aliis tradere coepit. Philosophiam vero, non tanquam artificium venale, didicit, sed vt instrumentum emendandorum morum, regendae reipublicae adminiculum, et bene viuendi regulam. Pauca scripsit, neque ea scripsisset, nisi legibus Academiae et consuetudine coactus, semper vero summa ope nifus est, vt praecepta sua vitae honestate confirmaret, nihil turpius arbitratus iis, qui, vbi cathedra descendissent, quae modo docuissent, ipsi contemnere viderentur. Sententias suas semper sic exposuit, vt vna eorum, qui aliter sentirent, opiniones proferre, quibus argumentis vterentur, commemoraret, et cur haec sententia sibi verior videretur, doceret. Nunquam vero contumeliosus fuit in eos, quos a se dissentire nouerat: laudauit saepius eorum scripta, atque

iuuenes,

iuuenes, vt studioſe illa legerent, adhortatus eſt: honorificam eorum mentionem fecit, et cauſas, cur non in illorum diſcederet ſententiam, tanta humanitate, tanta modeſtia expoſuit, nihil vt elegantius cogitari poſſet. Latinos et Graecos Philoſophos admiratus eſt vehementer, et ſummis ſemper laudibus extulit. Saepius hos faſſus eſt pleraque iam vidiffe, et uſu rerum, qui Philoſophum perficeret, noſtris hominibus longe fuiſſe ſuperiores. Verſatos enim eſſe in republica, magnis muneribus functos, rebus geſtis clariffimos. Horum vt ſcripta diligenter legerent, quotidie ſuos adhortatus eſt. Quemadmodum ab omnibus conuiciis abhorruit, ita abſtinuit ſemper ab omni obſcoenitate verborum atque iocis, quibus riſus excitaretur. Seuerus fuit, multa ſaepe monuit, quae ſibi

in

in moribus iuuenum minus probarentur, grauitaque eos ad virtutis studium adhortatus est, sed hanc seueritatem multis humanitatis condimentis mitigauit. Adpersit enim interdum e poetis versum aliquem, aut ex historia aptum exemplum protulit. Nulla vero hora praeteriit, quin diceret: auditores suos errare, si se post tres annos philosophos fore putarent, quamuis omnia verba chartis suis illinerent, ediscerent, et cistas plenas his voluminibus domum secum ferrent: se viam tantummodo monstrare, qua ad intelligentiam rerum perueniant, et ostendere, quomodo acuere iudicium et ad recte cogitandum conformare debeant: nullos e suis scholis philosophos prodituros esse, contentum se esse, si prudentiores redderentur et olim, si plures accesserint anni, Philosophi fierent:

fierent: non veram Philosophiam e compendio disci: requiri naturae hominum accuratam cognitionem, requiri vsum rerum, non nisi longo tempore comparandum: longe aliud esse *cursum Philosophicum* bis terue audiuisse, aliud Philosophum esse: non contemni debere, qui a nobis dissentiant, neque conuiciis proscindi: esse etiam eos viros bonos et doctos, fortasse re ipsum errare: legenda esse illorum scripta atque inde iudicandum: ipsos adolescentulos non debere de his controuersis decernere: retinendas has esse animo opiniones, et, confirmata demum aetate, vel probandas, vel reiiciendas. Denique haec tria iuuenibus in Philosophiae studio proponenda esse: primum vt animi tenebras dispellant et vere sentire de quaque re incipiant, deinde vt emendent animum, tandem

tandem vt se rebus gerendis aptos reddant. Alterum esse maximi momenti et quod praecipue spectare debeant. Haec igitur aliaque horum similia saepe *Modestinus* suis inculcavit. Quid vero effecit? primum fuerunt non pauci, qui ad scholam illius conuolarent, sed, deinde hoc numero sensim paullatimque minuto, tandem solus in cathedra relictus est. Nullus vnquam se *Modestinianum* appellari voluit: nullam sectam constituit. Vixit notus paucis iisque optimis viris; manum conseruit cum nullo: ipsis ephemeridum scriptoribus ignotus vixit. Hinc in ea ciuitate, cui bonos ciues praebere potuit, omnium rerum inops vixit et tandem fame extinctus esse dicitur.

V.

MYSTERIA
SCRIPTORVM EPHEMERIDVM
LITTERARIARVM.

F



*Regulae ab emerito scriptore missae amico
iuueni.*

Si auctor librum suum pulchre ligatum miserit, seque tibi humanis verbis commendauerit, neque vituperato illum, neque laudato: tantummodo paucis libri argumentum explicato.

Si vna cum libro vnum florenum miserit, ne contemnito paruam mercedem. *Noli spernere rem paruam, nam te ducet ad rem magnam.* Dicit: auctorem esse multae spei hominem.

Si duo miserit florenos, copiose, quid libro hoc contineatur, commemorato, ad-

ditis subinde verbis: ingeniose coniicit,
docte explicat, eleganter dicit.

Si nummum aureum miserit, *tum vero immensi spirent mendacia folles.* Copiose argumentum libri recenseto, et tum vnam alteramue periodum attexit: non sine voluptate perlegimus hunc libellum: optamus, vt plures eiusmodi libri prodeant: adhortamur auctorem, ne elegantissimi sui ingenii monimenta orbi litterato inuideat: iam nota et inueterata est auctoris gloria, quae nostra commendatione non eget.

Raro accidet, vt scriptor aliquis plures vno nummo aureo mittat. Est enim famelica scriptorum natio: pauperculi sunt: misero victu viuunt poetae et furfureum panem esitant: criticorum vero sacculus semper

per plenus est aranearum. Plures qui nummos mittant, erunt aut magistelli quidam in Academiis, qui dissertationem suam primam laudari cupiant, aut sacerdotes pagani, qui hac via se maius opulentiufue munus accepturos esse sperant.

Semper momento, te dictatorem perpetuum esse, eumque, cuius nutu omnia geri debeant in republica litteraria. Inde videto, ut seuerius ius dicas: errat hic auctor: hic liber nobis placet: quomodo talia auctori in mentem venire potuerunt? pergat auctor in hoc opere.

Bibliopolas, tanquam maecenates, colito, praecipue tamen illos, qui libros tibi mittant, et munusculum aliquod liberali manu addant. Hos data occasione mulce-

bis: pulchre esse impressum librum: ex officina illius nil nisi doctum prouenire: magno sibi illum beneficio eruditos obstrinxisse. Si vero aliquem sentias nimis parcum esse, aut librum tibi non misisse videas, illius nullam facito mentionem, aut si hominem ostendere nolis, sero et tralatio tantum more.

Sunt multi, non nego, egregii et docti viri, qui o tempora! neque nos praecones suarum laudum habere cupiant, neque vituperationibus nostris commoueantur. Inde se alia via ad immortalitatem nominis contendere dicunt, et si vel nos singulis mensibus eos allatremus, tacent tamen. In hostu, quoties commode fieri possit, impetum facito, et quo patientius hanc contumeliam ferant, eo atrocius clamato. Hac ratione
magnam

magnam tibi conciliabis auctoritatem, et cum doctis viris multi inuideant, a multis quoque ephemerides tuae legentur.

Nulla re plures lectores allicies, quam si libros recenseas, in exteris regionibus editos. Rarissime vero hi libri in manus nostras perueniunt. Inde comparato tibi exterorum ephemerides, atque ex iis librorum censuras, aliis mutatis, omiſſis aliis verbis, exſcribito. Vt maiorem tibi fidem lectores habeant, addito interdum: diligenter hunc librum legimus: accurate examinauimus omnia.

Ipfum denique librum ſi totum perlegere velis, rem ages moleſtam atque etiam tibi parum vtilem. Primum igitur perlegito praefationem, atque, quae ibi auctor de ſui

instituti ratione narrauerit, in tuas ephemerides transferto. Deinde indicem perlustrato, atque ex eo alium rerum memorabilium indicem conficito. Denique festinanti oculo perlegito vnam alteramue plagulam, et hinc inde, quæ tibi pulcherrima videantur, excerpito. Hoc si modo in confarcinandis chartis tuis versaris, facile negotio singulis horis duo libros recensabis.

VI.

SUPPLEMENTVM
LIBRI MORHOFIANI
DE RATIONE CONSCRIBENDARVM
EPISTOLARVM.



*Exemplum epistolae, qua Maenius librum
suum litterariarum ephemeridum scri-
ptori commendat.*

Delectatus sum semper, Vir celeberrime,
ephemeridum tuarum lectione, in quibus non
solum elegantissimam ingenii amoenitatem et
summam in iudicando subtilitatem, sed maxi-
mum etiam veritatis amorem animumque ab
omni partium studio liberum non sine sum-
mae voluptatis sensu mihi animaduertisse vi-
deor. Etsi igitur ego, qui nunquam stultus
mei ingenii admirator fui, facile intelligam,
indignum esse meum libellum, cuius mentio-
nem facias vel quem laudibus ornes, fretus
tamen humanitate tua illum tibi mittere au-
sus sum. Est ille festinanter a me scriptus,
atque amicorum potius et bibliopolarum
precibus mihi siue extortus, siue surreptus,
quam a me editus, quem si non displicuisse vi-
derim

derim viris doctis, proxime plures, quos iam inchoaui, in lucem proferam. Si quid in meo libello est, quod probari debeat, illud certe est, quod de Te dixi, Vir excellentissime. Nam et libro meo tui nominis splendore non exiguum ornamentum conciliaui, et, tibi meritissimis laudibus tributis, quantum studerem honori virorum doctorum, ostendi. Ne vero tibi molestior esset libelli lectio, atque vt tibi deditissimum animum meum declararem, adiunxi nummum aureum, quem vt beneuole accipias, oro. Fauebis vero studiis nostris, et Tua laude nos ad maiora excitabis. Mihi crede, efficiam, vt te tuae erga me beneuolentiae nunquam poeniteat, id quod cum re, non verbis, tibi probare cupio, tum omnem tuam spem officiis meis superabo. Vale, vir summe, et me ama.

VII.

V A R I A .



Reinesii amicitiam cum *Casp. Barthio* repente dissolutam esse, satis notum est. Nihil, inquires, noui. *Barthius* Criticus fuit. Hoc vero hominum genus facilius etiam irritari potest, quam vespae. Fortasse litterula aut syllaba tantae irae causa fuit: fortasse scripsit *Reinesius*: ego lego sic, male *Barthius* aliter. Nam paucula haec verba atrocissimum bellum accendere possunt. Noui, mi homo, et expertus sum. Sed fuit alia causa. *Reinesius* domicilium habuit Altenburgi et *Barthius* Lipsiae vetustis chartis infudauit. Accidit vero, vt *Barthius* illum visere cuperet, pedibus Altenburgum proficisceretur, atque diuersorium publicum peteret. *Reinesius*, amici aduentu nunciato,

aegre

aegre ferre, illum non suam statim domum
petiisse atque *Barthium* iocis punire velle.
Inde ad hospitem mittit eique nuntiat, car-
nificem Lipsiensem illum aduenam esse.
Iam *Barthio* natura deforme et horridum
corpus dedit. Ex ipso vultu illum Gram-
maticum esse cognouisses. Facile igitur
hospes *Reinesio* fidem habere, atque vrceum,
quem *Barthio* apposuerat, auferre. Mirari
Barthius, sed filere tamen. Mox ille vrceum
sine operculo adferre et *Barthium* limis ocu-
lis adspicere. Hic indignari et quid hoc rei
sit? interrogare. Tum ille: tace, tace,
bone vir, nouimus iam, qui sis. Magis etiam
Barthius mirari et stomachari. Hospes vero:
dixi tibi, non ignoramus te: si sapis, tace-
bis, aut quantocyus te hinc auferes. Tan-
dem *Barthius* post multas ambages totam
rem

rem audit, et statim *Reinesio* non viso atque irarum plenus vrbe exit. Hinc illam animorum diffensionem ortam esse, narrauit beatus *Christius* amico cuidam. Triste vero exemplum et e quo discas, quam lepide Critici iocentur, si semel faceti esse cupiant.

Quoties nostram aetatem considero, vereor, ne post quinquaginta annos Germaniae idem accidat, quod Galliae post tempora *Ludouici XIV.* Pauci intelligunt, quam multae et reconditae litterae sint in *Gellerto*, *Ramlero*, *Sulzero*, *Lessingio*, viro vere docto, *Vtzio*, cuius carmina diligentem Horatii lectionem redolent, et paucis aliis. Admirantur et legunt hos plurimi iuuenes, (non reprehendo, laudo potius,) sed, riuulos consectantes, non eos fontes adeunt, e quibus illi eruditionem suam hauserunt. Legunt

homines libros vernaculo sermone scriptos et negligunt Graecorum et Latinorum librorum lectionem, quo neglectu barbariae ianuas aperiunt. Praeterea multi veteres scriptores in nostrum sermonem transferuntur, atque etsi hoc institutum utile sit, male tamen pigelli homines his versionibus vtuntur. Et quid dicamus de his? De Herodoto *Goldhagii* iudicium meum in *Actis Erud. Lipsf.* exstat, vbi ostendi, auctorem nimium festinasse multosque commisisse errores. De Thucydide *Heilmanni*, viri docti et Graecarum litterarum periti, sententiam meam in *Nouis litterar. Lipsf.* exposui. Nihil in hac versione multa cum diligentia elaborata desidero praeter maiorem elegantiam sermonis vernaculi, laeuiolemque et iucundiolem verborum collocationem. *Reiskii*
orationes

orationes Thucydidis laudarem, si praefactionem, nouam scribendi rationem et coniecturas suas, quibus sanissima loca saepe non emendat, quod putat, sed male corrumpit, omisisset. Reliquas plebeiorum hominum versiones non legi, etsi quasdam bonas nobis esse fateor. sed illuc redeo. Si igitur illud *Ludouici* seculum cum nostro comparo, maximam inuenio similitudinem. Video, quemadmodum illam, sic etiam hanc aetatem viros doctissimos illustrare, sed idem etiam video, post aliquot annos nos omnem illam elegantiam, quam nunc iactat Germania, esse desideraturos mortuo inprimis illo nostrarum litterarum vindice et statore, magno *Gesnero*, cuius solum nomen praeclarissimum est elogium. In Gallia certe, illa olim tot praeclarissimorum virorum nu-

trice, quam pauci sunt, qui Latine et Graece intelligant? O si nunc *Boilanius* ad viuos rediret! sed credo, illum cum spe emendandi populares suos etiam voluntatem abiecturum esse.

Lünigius magna sua aetate non tam Lipsiae, quam apud exteros floruit fama, quae nunc tamen prope exstincta est. Et oro te, quam parum ingenii et eruditionis requiritur ad opera *Lünigiana* conscribenda? Verum hoc quidem nolui narrare, alia res erat. Bonum virum valde ferunt ebriosum fuisse, seque tam largiter interdum inuitasse, ut neque pes neque mens satis officium suum facerent. Multo Lyaeo madidus excessit aliquando nocte conuiuio, ut vrinam redderet. Fuit vero eodem loco cisterna, e qua leni aliquo cum murmure aqua effluxit.

Lünigius

Lünigius audire hunc sonitum atque a se illum excitari putare. Subsistere igitur longius, atque denique clamare et vocare. Tum aduolare conuiuiae et, quid rei esset, interrogare. His miserabili voce narrare, sibi pereundum esse, se iam tantam vrinae vim reddidisse, atque vereri nunc, ne sanguinem omnem omnesque corporis humores emittat. Mirari illi primum et obstupescere. Mox cognita huius timoris causa hominem bono animo esse iubent et in cubiculum reducunt.

Faucheur aliquando *Ancilloni*, quaerenti, cur vnam eandemque orationem bis habuisset ad populum de suggestu? respondisse fertur: si tu tibi elegantem et venustam vestem comparaueris, an semel tantum eam indues?

Quidam audiuerat, nulla alia re podagrae dolores tolli posse, quam puluere de suggestu, in quo nullum mendacium dictum fuisset. Inde sacerdotem, cuius e suggestu nulla longo tempore oratio funebris habita fuerat, orauit, vt sibi puluerem ex illo traderet.

Nunquam mihi persuaderi patiar, *Harduinum*, virum, quod etiam aduersarii illius fatentur, doctum, serio ridiculam illam opinionem protulisse, veterum auctorum, quae nunc habeamus, scripta conficta esse sec. XIII. a cohorte nescio qua, et per fraudem antiquis illis scriptoribus subiecta. Non hercle! vir doctus hoc credere, hoc sibi persuadere potuit. Neque placet mihi eorum opinio, qui hoc ideo *Harduinum* fecisse

cisse credant, vt sensim omnis historiae fidem eleuaret et, velut cuniculis actis, ipsius religionis fundamenta subuerteret, pontificiamque doctrinam stabiliret. Ita etiam sentire memini virum praeclarae eruditionis et amabilis humanitatis, *Christoph. Saxium*, *Vltraiectinae Academiae* decus, in pulcherrimis *Vindiciis Virgilii*. Sed nonne homo, minime hercle! stultus, facile intelligere potuit, se frustra hanc operam consumiturum inanemque suscepturum esse laborem? Quid igitur? non alia de causa *Harduinum* hoc monstrum opinionis protulisse, credo, quam vt eluderet homines, vt Criticorum studia concitaret, vt ab aliis refutaretur atque inde largam ridendi materiam acciperet, vt nominis sui famam augeret.

*Historiola arcana de incendio bibliothecae
Alexandrinae.*

Incendium, quo praestantissima Alexandrina bibliotheca deleta fuit, inde est ortum, quoniam omnes Philosophici libri, quorum ingens adfuit copia, in vno conclaui fuerant collocati. Hi conflictu atque tritu subito ignem conceperunt, qui tandem erupit, atque totas omnino aedes exstinxisset, nisi libri e superiori conclaui, pavimento igne concremato, in flammam delapsi fuissent. His enim dicunt, non aliter quam aqua infusa, ignem omnem suffocatum esse. Fuisse vero dicunt hos libros poeticos, carmina heroica, versiculos Anacreonticos, et eiusmodi plura.

Audite,

Audite, posteri, audite nepotes vocem hominis, qui nulla re magis delectatur, quam libertate sentiendi dicendique, atque hac virtute iure gloriatur. Fuit seculum, quo Philosophi propter crebras contentiones praeliorum ferocitate exultantes atrocissima bella gesserunt, et decennium quodque nouam philosophandi rationem habuit: quo de eruditione atque ingenio hominum ex elegantia vestis, pileolo, adulandi peritia, blanditiis, assentatione, multitudine pulchre ligatorum librorum iudicabatur: quo, qui, non sine multis conuiciis, nihil profutura in medium adferrent, Critici audiuerunt: quo immortalitas nominis et eruditionis gloria ab ephemeridum scriptoribus exspectabatur et petebatur: quo nemo plura poetis de contemptu diuitiarum scripsit,

nemo pauperior fuit, nemoque magis aureis nummis delectatus: quo pauci libri accurate et docte scripti, plurimi nitidis chartis nitidisque formis impressi atque hi et docte et accurate scripti habiti sunt: quo innumerabiles Academiae et Societates litterariae constitutae fuerunt, et litterarum minus etiam studium fuit, quam olim, cum nullae essent: quo dignitas et nomen doctoris et magistri omnium artium omnisque eruditionis non ingenio atque diligentia, sed aere comparatum fuit: quo nihil lubentius homines legerunt Satyris, atque, quae in aliis notata riserunt, in se non agnouerunt vitia. - Nunc vestra tempora, o boni, considerate, et quae meliora, quae peiora sint, vobiscum statuite.

INDEX.

*V*tar hac opportunitate, atque errores operarum in prioribus libellis commissos mihi-
que tributos a quibusdam indicabo

In MORIBVS lege p. 22. l. 1. *Torta*: l. 4.
prodiga. p. 33. l. 16. *illum*. p. 47. l. 3. *tonare*. p. 58. l. 18. *huc*. p. 59. l. 21. *diobolaris*. p. 65. l. 12. *obtrudant*. p. 81. l. 4.
non possum quin c. l. p. 83. l. 3. *ago pro ego*
ut etiam. l. 6. p. 91. l. 13. *hanc pro hunc*
p. 93. l. 9. *formae*. p. 103. l. 5. *tunc pro*
tunc.

In GENIO leg. p. 12. l. 12. *terrore*. p. 13.
l. 16. *exornatur*. p. 16. l. 11. *efferrantem*
pro offer. p. 20. l. 15. *Bononiae*. p. 31. l. 13
omnes leges et senat. p. 36. l. 6. *Aude pro*
Stude. p. 40. l. 10. *obfutura*. p. 53. l. 15.
insitum

insitum pro ipsi tum. p. 76. l. 10. tractus.
p. 118. l. 4. adde, si videtur, et maxime
secundus. p. 120. l. 13. Palmerius. l. 14.
dele Itaravinus. p. 121. l. 16. dele Parrha-
sus. p. 129. l. 8. otioque. l. 12. quam.
p. 136. l. 11. Quis non dixit. p. 149. l. 9.
in hoc pro hunc.

Noui superesse errores quosdam, sed non va-
cat, nunc eos indagare. Aequi facile omni
me culpa liberabunt: iniquos non curo.

ERRATA.

ERRATA.

p. 20. l. 15. leg. *addiderint*. ib. l. 16. l. *voluerint* et *tales*. p. 21. l. 10. l. *deuoretis*. p. 30. l. 12. *properandum*. p. 32. l. 13. l. *tene*. p. 33. l. 10. l. *alius* et *iurat*. p. 49. l. 7. l. *stupidus* pro *sap*. p. 50. l. 9. l. *hi* pro *hic*. p. 59. l. 9. l. *se* pro *re*. p. 65. l. 7. l. *memento*. p. 66. l. 6. l. *offendere*. ib. l. 7. l. *tralatitio*. p. 68. l. 8. l. *facili*.

LIBRI SEQUENTES EX EADEM OFFICINA PRODIERUNT.

Addisons Anmerkungen über verschiedene Theile Italiens. Aus dem Englischen übersetzt, 8.

Bilfingeri elementa physices, c. fig. 8.

Boubours Art in witzigen Schriften wohl zu denken. Aus dem Französischen übersetzt, 8.

Chompré P. Selecta latini Sermonis exemplaria e scriptoribus probatissimis ad christianae iuuentutis vsum excerpta. T. VI. 8.

Comédies

Comédies d'Aristophane trad. en françois, avec des notes critiques, et un examen de chaque pièce selon les regles du Theatre, par Madame Dacier, 8.

Cyrelli Adonis, 24.

Dialogues Socratiques, ou Entretiens sur divers sujets de morale, par Vernet, 12.

Duclos Betrachtungen über die Sitten dieses Jahrhunderts. Aus dem Französischen übersetzt, 8.

Das Eigene der Völkerschaften. Aus dem Französischen übersetzt, 8.

Erythraei orationes, 8.

Geschichtstafeln, auf welchen die Geschichte des Volks Gottes, der vier Monarchien und des Sachsenlandes nebst der Kirchengeschichte des N. Testaments, der Geschichte der Weltweisheit, auch der vornehmsten Personen, Lehrern, Schriften und Merkwürdigkeiten deutlich und klärlich vorgestellt wird, fol.

Gifanii, Oberti, obseruationes latinae linguae singulares maiorem partem emendandis auctorib. censentur augebat reiq. criticae

criticae item subinde specimina dabat,
E. C. Otho, 8.

*Hardions allgemeine geistliche und weltliche
Geschichte. Aus dem Französischen übersetzt
von M. Salomon Ranisch, 3 Theile, 8.*

Ioannis Secundi opera, 12.

Kästners vermischte Schriften, 8.

Klotzii Mores eruditorum, 8.

— — Genius seculi, 8.

— — Opuscula poetica, 8.

*Der unsichtbare Kundschafter. Aus dem Eng-
lischen übersetzt, 8.*

*Lamy Kunst zu reden. Aus dem Französischen
übersetzt, 8.*

*Lock vom menschlichen Verstande. Aus dem
Englischen übersetzt und mit Anmerkungen
versehen von Poley, 4.*

*Montesquieu Werk von den Gesetzen. Aus dem
Französischen übersetzt, 8.*

Platneri Lanx Satura, 8.

*Popens Mensch, ein philosophisches Gedichte.
Deutsche Uebersetzung, mit der englischen
Urschrift, 4.*


L. Annaei

L. Annaei Senecae, et P. Syri Mimi forsan
etiam aliorum Sententiae ad Gruterianam
editionem cum Antonii Mureti institu-
tione puerili in vsum Gymnasii Friderici-
ciani recusae, 8.

Somnium, in quo praeter caetera Genius se-
culi cum Moribus eruditorum vapulat, 8.

*Versuch von dem Schönen, da man untersucht,
worinnen eigentlich das Schöne in der Na-
turlebre, in der Sittenlebre, in den Arten
Witzes und in der Musik bestehe. Aus dem
Französischen übersetzt von Baron, 8.*

Zachariae, Schöpfung der Hölle, nebst eini-
gen andern Gedichten, 4.



25-20

